

JAVNA USTANOVA „DOM ZDRAVLJA“ ZENICA
Ul. fra Ivana Jukića br.2, Zenica

Na osnovu odredbi Uredbe o postupku prijema u radni odnos u javnom sektoru u Zeničko-dobojskom kantonu („Službene novine Zeničko-dobojskog kantona“ br. 2/24.), odredbi Pravila o postupku prijema u radni odnos u JU „Dom zdravlja“ Zenica br. OU-01-59-50907/24. od 14.02.2024. godine i Odluke o potrebi prijema u radni odnos br. PP-03-137-74477/24. od 14.10.2024. godine, raspisuje se sljedeći

JAVNI OGLAS
za prijem radnika na neodređeno i određeno vrijeme

JU „Dom zdravlja“ Zenica ima potrebu za zapošljavanjem 4 radnika na neodređeno i 1 radnika na određeno vrijeme.

Kandidati moraju ispunjavati sljedeće **opće uslove**:

-da su državljani Bosne i Hercegovine, što se dokazuje dostavljanjem Uvjerenja o državljanstvu,
-da su psihički i fizički sposobni za obavljanje poslova za radno mjesto za koje se prijavljuju, a što se dokazuje dostavljanjem originalnog Ljekarskog uvjerenja i originalne Sanitarne knjižice.

Dokaz iz prethodnog stava ovog Javnog oglasa, dostavit će kandidati koju budu izabrani na Javnom oglasu, u roku od 15 dana od dana zaprimanja odluke o prijemu u radni odnos.

Ostali uslovi za objavljena radna mjesta su sljedeći, i to:

1. Saradnik za plan, analizu i statistiku u Odjeljenju za ekonomske poslove — 1 izvršilac na neodređeno vrijeme, sa probnim radom u trajanju od 3 mjeseca.

Posebni uslovi: -VSS Ekonomski fakultet VII/1 ili Prvi ciklus bolonjskog studija sa 240 ECTS bodova, što dokazuje dostavljanjem diplome o završenom fakultetu; položen ispit za certificiranog računovođu, što dokazuje dostavljanjem certifikata izdatog od ovlaštenog izvođača edukacije; 3 godine radnog iskustva što dokazuje dostavljanjem uvjerenja Poslodavca ili Poreske uprave o radnom iskustvu.

Opis poslova: -Saradnik za plan, analizu i statistiku radit će u Odjeljenju za ekonomske poslove i obavljat će poslove propisane u Sistematizaciji radnih mjesta u JU „Dom zdravlja“ Zenica.

Izbor kandidata vrši se putem pismenog i usmenog ispita.

2. Doktor stomatologije u Službi za zubozdravstvenu zaštitu — 3 izvršioca na neodređeno vrijeme sa probnim radom u trajanju od 3 mjeseca.

Posebni uslovi: -VSS doktor stomatologije, što dokazuje dostavljanjem diplome o završenom fakultetu; položen stručni ispit, što dokazuje dostavljanjem uvjerenja o položenom stručnom ispitu; licenca za samostalan rad što dokazuje dostavljanjem licence nadležne komore.

Opis poslova: -Doktor stomatologije radit će u Službi za zubozdravstvenu zaštitu i obavljat će poslove propisane u Sistematizaciji radnih mjesta u JU „Dom zdravlja“ Zenica.

Izbor kandidata vrši se putem pismenog i usmenog ispita

3. Rukovodilac u Odjeljenju za adolescentnu psihijatriju koji će raditi i kao specijalista u Centru za mentalnu rehabilitaciju — 1 izvršilac na određeno vrijeme u trajanju od 2 godine, sa probnim radom u trajanju od 3 mjeseca.

Posebni uslovi: -VSS doktor medicine, što dokazuje dostavljanjem diplome o završenom fakultetu; položen stručni ispit, što dokazuje dostavljanjem uvjerenja o položenom stručnom ispitu; završena specijalizacija iz neuropsihijatrije, što dokazuje dostavljanjem uvjerenja o položenom specijalističkom ispitu; licenca za samostalan rad što dokazuje dostavljanjem licence nadležne komore i 3 godine iskustva u struci, što dokazuje dostavljanjem uvjerenja Poslodavca ili Poreske uprave o radnom stažu.

Opis poslova: -Specijalista neuropsihijatrije radit će u Centru za mentalnu rehabilitaciju i obavljat će poslove propisane u Sistematizaciji radnih mjesta u JU „Dom zdravlja“ Zenica.

Izbor kandidata vrši se putem pismenog i usmenog ispita

Prijave na javni oglas koje moraju biti vlastoručno potpisane sa kopijom tražene dokumentacije podnose se u roku od 8 dana od dana objave oglasa, sa kratkom biografijom, adresom, e - mail adresom i kontakt telefonom i mobitelom kandidata, preporučeno putem pošte ili na protokol JU „Dom zdravlja“ Zenica, na adresu:

**JAVNA USTANOVA „DOM ZDRAVLJA“ ZENICA
Ul. fra Ivana Jukića br. 2
ZENICA**

**sa naznakom — Prijava na Javni oglas na radno mjesto pod rednim brojem - NE
OTVARAJ!**

Neblagovremene, nepotpune i neuredne prijave neće se uzeti u razmatranje.

Prijava kandidata koje ne budu sadržavale na koverti ime i prezime kandidata sa tačnom adresom, kao i naznaku na koju poziciju se kandidati prijavljuju na predmetnom Javnom oglasu, smatrat će se neurednim i bit će odbačene.

JU „Dom zdravlja“ Zenica nije u obavezi da vrati dokumentaciju, koja se prilaže uz prijavu.

Kandidati će putem e-mail adrese, dostavom skenirane obavijesti biti obaviješteni o terminu za održavanje pismenog i usmenog stručnog ispita najmanje pet dana prije održavanja pismenog i usmenog stručnog ispita. Obavijest o terminu za pismeni i stručni ispit bit će postavljena i na web stranici i oglasnoj tabli JU „Dom zdravlja“ Zenica.

Za kandidate koji ne pristupe pismenom i usmenom stručnom ispitu, utvrdit će se da su odustali od prijave za zaposlenje.

Izbor kandidata za radna mjesta sa visokom stručnom spremom zasniva se na razmatranju dostavljene dokumentacije i održanom pismenom i usmenom stručnom ispitu.

U skladu sa članom 54. stav 1. Okvirnog zakona o visokom obrazovanju u BiH („Službeni glasnik BiH“ br. 59/07. i 59/09.) u postupku po ovom javnom oglasu priznat će se samo akademski stepeni i diplome koje izdaju akreditovane visokoškolske ustanove.

Kandidati koji budu izabrani da rade u JU „Dom zdravlja“ Zenica, dostavit će uz izjavu o prihvatanju zaposlenja i originalnu ili ovjerenu dokumentaciju predatu na predmetni Javni oglas, a čija ovjera nije starija od 6 mjeseci.

Integralni tekst Javnog oglasa bit će objavljen na web stranici JU „Dom zdravlja“ Zenica i Grada Zenica, a u dnevnim novinama objavit će se obavijest o javnom oglasu.

Informacije se mogu dobiti putem telefona — 032/248-820.

Br. PP-03-137-74478/24.
Zenica, 16.10.2024.. godine



**Po ovlaštenju,
Pomoćnik direktora za pravne poslove**

Fadil Šehidić, dipl. pravnik
(br. ovlaštenja OU-01.1-24-54955/24)